

# Y BWRDD GWEITHREDOL

Dydd Llun, 13 Mawrth 2017

**YN BRESENNOL:** Y Cyngorydd E. Dole (Cadeirydd)

## Y Cynghorwyr:

L.D. Evans, M. Gravell, D.M. Jenkins, G.O. Jones, P.A. Palmer, L.M. Stephens, J. Tremlett, H.A.L. Evans and T.J. Jones

## Yn bresennol fel sylwedyddion:-

Y Cyngorwyr D.M. Cundy, T. Devichand a J.S. Edmunds

## Yr oedd y swyddogion canlynol yn gwasanaethu yn y cyfarfod:

M. James - Prif Weithredwr

J. Morgan - Cyfarwyddwr y Gwasanaethau Cymunedau

C. Moore - Cyfarwyddwr Gwasanaethau Corfforaethol

G. Morgans - Cyfarwyddwr Addysg a Phlant Dros Dro

R. Mullen - Cyfarwyddwr yr Amgylchedd

W. Walters - Prif Weithredwr Cynorthwyol (Adfywio a Pholisi)

R. Edgecombe - Rheolwr y Gwasanaethau Cyfreithiol

D. Hockenull - Rheolwr y y Cyfryngau a Marchnata

S. Murphy - Uwch-gyfreithiwr

S. Walters - Rheolwr Datblygu Economaidd

C. Gadd - Swyddog Gwasanaethau Democrataidd

## Siambr, Neuadd y Sir, Caerfyrddin - 10.00 - 10.40 am

### 1. YMDDIHEURIADAU AM ABSENOLDEB

Ni chafwyd ymddiheuriadau am absenoldeb.

### 2. DATGAN BUDDIANNAU PERSONOL

Y Cyngorydd	Rhif y Cofnod	Y Math o Fuddiant
G.O. Jones	6 - Maes 3G ym Mharc Waundew, Caerfyrddin	Mae'n gyfarwyddwr ac yn gyn-ysgrifennydd Clwb Pêl-droed Tref Caerfyrddin

### 3. COFNODION - 27 CHWEFROR 2017

**PENDERFYNWYD YN UNFRYDOL** Iofnodi bod Cofnodion cyfarfod y Bwrdd Gweithredol a gynhaliwyd ar 27 Chwefror, 2017 yn gofnod cywir.

### 4. CWESTIYNAU Â RHYBYDD GAN AELODAU

Dywedodd y Cadeirydd nad oedd dim cwestiynau â rhybudd wedi cael eu cyflwyno gan yr Aelodau.

## 5. CWESTIYNAU A RHYBYDD GAN Y CYHOEDD

Dywedodd y Cadeirydd nad oedd dim cwestiynau â rhybudd wedi dod i law gan y cyhoedd.

## 6. MAES 3G PARC WAUNDEW, CAERFYRDDIN

[SYLWER: Wedi datgan buddiant yn y mater hwn yn gynharach, gadawodd y Cynghorydd G.O. Jones y cyfarfod cyn i'r Pwyllgor ystyried y mater a phenderfynu arno.]

Ystyriodd y Bwrdd Gweithredol adroddiad a oedd yn cefnogi'r gwaith o greu maes 3G ym Mharc Waundew, fel rhan o brosiect cymunedol, trwy gymeradwyo grant o 150k. Tynnwyd sylw at y ffaith fod Parc Waundew yn un o ardaloedd mwyaf heriol Caerfyrddin o ran agweddau cymdeithasol ac economaidd, ac y byddai'r maes 3G newydd o fudd i nifer fawr o grwpiau a sefydliadau lleol.

Rhoddodd yr Aelod o'r Bwrdd Gweithredol dros Adnoddau wybod i'r Bwrdd fod y rhan fwyaf o'r cyllid eisoes wedi cael ei sicrhau. Amcangyfrifwyd y byddai cyfanswm cost y datblygiad hwn oddeutu £560k ac roedd Clwb Pêl-droed Tref Caerfyrddin wedi sicrhau gwerth £410k o gyllid o'r ffynonellau canlynol:

- Cymdeithas Bêl-droed Cymru - £350k
- Grantscape - £30k
- Prifysgol Cymru y Drindod Dewi Sant - £30k

Gwnaethpwyd cais am i'r Cyngor gefnogi'r diffyg o £150k. Esboniwyd fod angen i'r gwaith gosod ddigwydd yn ystod misoedd yr haf yn 2017 gyda'r gorchymyn yn cael ei gyhoeddi'n gynnar ym mis Ebrill; fel arall, byddai'r cyllid oddi wrth Gymdeithas Pêl-droed Cymru yn cael ei dynnu'n ôl. Nodwyd mai bwriad y clwb oedd helpu i greu buddion ehangach i'r gymuned trwy gynyddu'r defnydd o'u cyfleusterau a gweithio mewn partneriaeth â grwpiau a sefydliadau lleol gan gynnwys ysgolion cynradd, canolfannau teulu, clybiau ieuenctid a Phrifysgol Cymru y Drindod Dewi Sant; cyfleusterau awyr agored annigonol, os o gwbl, oedd gan y rhan fwyaf o'r rhain.

Dywedodd yr aelodau fod y clwb wedi gweithio'n galed i sicrhau cyllid ar gyfer y prosiect a nodwyd fod costau cynnal a chadw'r maes wedi'u cynnwys yn y cyllid. Tynnodd aelodau sylw at y ffaith fod y prosiect yn cyfrannu at amcanion llesiant y Cyngor ac yn darparu cyfleusterau i alluogi pobl i fod yn fwy egnïol. Gwnaethpwyd cais am weithio mewn partneriaeth ag Ysgol Gyfun Bro Myrddin er mwyn datblygu eu maes 3G.

**CYTUNWYD YN UNFRYDOL i gymeradwyo grant o £150k i gefnogi'r gwaith o greu maes 3G ym Mharc Waundew.**

## 8. GORCHYMYN I'R CYHOEDD ADAEL Y CYFARFOD

**PENDERFYNWYD YN UNFRYDOL, yn unol â Deddf Llywodraeth Leol 1972, fel y'i newidiwyd gan Orchymyn Llywodraeth Leol (Mynediad at Wybodaeth) (Amrywio) (Cymru) 2007, orchymyn i'r cyhoedd adael y cyfarfod tra oedd yr eitemau canlynol yn cael eu hystyried, gan fod yr adroddiadau'n cynnwys gwybodaeth eithriedig fel y'i diffiniwyd ym mharagraff 14 o Ran 4 o Atodlen 12A i'r Ddeddf.**

## 9. CYMORTH ARIANNOL I YMDDIRIEDOLAETH ADFYWIO TREFTADAETH CAMBRIAN/ BLAS LLANELLY

Yn sgil gweithredu'r prawf budd y cyhoedd **PENDERFYNWYD YN UNFRYDOL**, yn unol â'r Ddeddf y cyfeiriwyd ati yng Nghofnod 8 uchod, ystyried y mater hwn yn breifat gan orchymyn i'r cyhoedd adael y cyfarfod, gan y byddai'r drafodaeth yn datgelu gwybodaeth eithriedig ynghylch materion ariannol neu faterion busnes unrhyw unigolyn penodol (gan gynnwys yr Awdurdod oedd yn meddu ar y wybodaeth honno).

Rhoddodd y Bwrdd Gweithredol ystyriaeth i adroddiad ar gymorth ariannol i Blas Llanelly. Roedd yn un o bum prosiect adfywio allweddol yng Nghanol Tref Llanelli ac roedd angen cymorth i sicrhau bod y prosiect yn cael ei gwblhau a bod gan y Plas ddyfodol cynaliadwy yn y tymor hir. Roedd pwysigrwydd Plas Llanelly i adfywio Canol Tref Llanelli yn cael ei gydnabod.

Cynigiwyd argymhelliad ychwanegol, a chytunwyd arno, sef bod awdurdod dirprwyedig yn cael ei roi i Gyfarwyddwr y Gwasanaethau Corfforaethol a'r Aelod o'r Bwrdd Gweithredol dros Adnoddau er mwyn cytuno ar amodau'r grant.

### **PENDERFYNWYD YN UNFRYDOL:**

- 9.1 gymeradwyo grant i gefnogi prosiect yr Ymddiriedolaeth/Plas Llanelly;
- 9.2 bod tâl am werth y grant yn cael ei godi ar Blas Llanelly am gyfnod penodol o hyd at 5 mlynedd;
- 9.3 bod Cyngor Sir Caerfyrddin yn gofyn am rôl fel sylwedydd ar Fwrdd yr Ymddiriedolwyr;
- 9.4 bod awdurdod dirprwyedig yn cael ei roi i Gyfarwyddwr y Gwasanaethau Corfforaethol a'r Aelod o'r Bwrdd Gweithredol dros Adnoddau er mwyn cytuno ar amodau'r grant.

## 10. CONTRACT TRIN A GWAREDU GWASTRAFF - TREFNIADAU GWAHANOL YN Y DYFODOL

Yn sgil gweithredu'r prawf budd y cyhoedd **PENDERFYNWYD YN UNFRYDOL**, yn unol â'r Ddeddf y cyfeiriwyd ati yng Nghofnod 8 uchod, ystyried y mater hwn yn breifat gan orchymyn i'r cyhoedd adael y cyfarfod, gan y byddai'r drafodaeth yn datgelu gwybodaeth eithriedig ynghylch materion ariannol neu faterion busnes unrhyw unigolyn penodol (gan gynnwys yr Awdurdod oedd yn meddu ar y wybodaeth honno).

Cafodd y Bwrdd Gweithredol adroddiad er mwyn rhoi ystyriaeth i fodolau darparu gwahanol ar gyfer caffael trefniadau trin gwastraff y Cyngor yn y dyfodol yn sgil ystyriaethau atebolrwydd/risg ehangach.

**CYTUNWYD YN UNFRYDOL** i gymeradwyo'r gwaith o ystyried trefniadau caffael gwahanol ar gyfer trefniadau trin gwastraff y Cyngor yn y dyfodol.

## 11. PROSIECT DENU PENTYWYN

Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yng Nghofnod 8 uchod, ystyried y mater hwn yn breifat gan orchymyn i'r cyhoedd adael y cyfarfod, gan y byddai'r drafodaeth yn datgelu gwybodaeth eithriedig ynghylch materion ariannol neu faterion busnes unrhyw unigolyn penodol (gan gynnwys yr Awdurdod oedd yn meddu ar y wybodaeth honno).

Rhoddodd y Bwrdd ystyriaeth i adroddiad ar Brosiect Denu Pentywyn, a oedd yn fenter adfywio yn unol â'r prif gynllun adfywio strategol ar gyfer Pentywyn. Tynnodd yr Aelod o'r Bwrdd Gweithredol dros Adfywio a Hamdden sylw at y ffaith fod y prif gynllun adfywio yn mynd i'r afael â dirywiad ffisegol a masnachol pentref glan môr Pentywyn. Roedd y cynllun yn cael ei symud ymlaen fesul cam, a'i fwriad oedd sefydlu Pentywyn fel cyrchfan digwyddiadau 12 mis y flwyddyn i ymwelwyr ble byddent yn treulio diwrnod ac yn aros.

Nododd yr aelodau botensial yr ardal a'r camau cadarnhaol a oedd yn cael eu cymryd i'w hadfywio.

### **PENDERFYNWYD YN UNFRYDOL:**

- 11.1 gymeradwyo'r gwaith o ddatblygu a chyflawni Prosiect Denu Pentywyn yn unol â'r prif gynllun adfywio strategol ar gyfer Pentywyn;
- 11.2 gymeradwyo'r argymhellion fel y nodir yn yr adroddiad er mwyn cefnogi Prosiect Denu Pentywyn.

---

**CADEIRYDD**

---

**DYDDIAD**